



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Fasti Mariani**

**Brunner, Andreas  
Pfeffer, Wilhelm**

**Antverpiæ, [1659 erschienen] 1660**

S. Brigitta Vid. 23. Iulij.

**urn:nbn:de:hbz:466:1-42032**

ebria, & lætissimi nuntii ad Apostolos nuntia. Quid? quod hunc etiam ipsa Apostoli vices functa in ipsas usque Gallias Massiliam portavit, & populos nova amoris magistra amare Crucifixum docuit. Hanc illa inter silvas maximè & loca sola veneratur, & innudo lectulo Crucis, quam illic loci Angeli de fixerant, indagabat. Audires jam saxa edocta & littora barbara **IB SVM** suspirare, **IB SVM** ingemere; cum interim sæpiculè hic ad Dilectam è cælo inviseret, illa sæpè sæpius ad Dilectum ab Angelis in aère, tandem in cælos etiam raperetur. *Ex Evang. & Silm. Prierate.*

*Si nos esse peccatores novimus & esse nolumus, pedibus Christi demus lacrymas, figamus oscula, pietatis oleum totâ devotione fundamus. Imitemur Magdalenam quam conspiciamus non solum caruisse peccatis, sed ad sanctitatis verticem pervenisse. Petrus Chrysol. serm. 2. de S. Magd.*

S. BRIGITTA Vid. 23. Iulij.

**V**ix dum septennis erat BRIGITTA, cum jam coronâ donari meruit à cæli IMPERATRICE. Hæc eadem æni pingenti in opere adesse Magistra visa est. quidni ab hæc Pallade edocta pulchrè pingeret? Eodem ferè tempore **CHRISTVM** velut tunc primùm in crucem suffixum vidit, dicentem facinus hoc eorum esse, qui suos amores negligenter, mundi sectarentur. Inde illa dolenti tam condoluit, ut quoties patientis mentio fieret, testes continuò doloris lacrymas daret, ferâ item **VI.** semper plagas animi nudaret, corpusculum ardenti cerâ perfunderet, herbas ore manderet amarissimas gustui, sed quas medicus amor condidit. Virgo nupta vitam egit tam sanctam, ut obstetrican-



cantem è cælo manum commodare VIRGO parienti non dubitavit. Ipsa Matris officio tum se sanctam putavit, cum DEO prolem transcripsisset. Filium certè, cui lacrymis cælum emollierat, ipse DEVS filium lacrymarum vocavit. Iam quoties illam loqui homini contigit graviore labe asperso, oberrare ipsam naribus Mephitim credidit, adeo malè olentes animas sceleratitrahitis! A morte conjugis novas religiosè vivendi leges viris virginibusque scripsit, quas ipse Legislator CHRISTVS illi dictavit, cui etiam præsentè, anno suprâ M. CCC. LXXIII, animam reddidit. Mortem illius orbis idè minus tunc agrè tulit, quòd vivere etiam mortuam in filiâ Catharinâ crederet. *Ex Suario.*

*Quæ anima semel didicit Dei præsentiam suspirare, & querere faciem eius semper, nescio an vel ipsam gehennam experiri ad tempus horribilius ducat, quam post hujus studii gustatam suavitatem exire denuo ad illecebras, vel potius molestias carnis. S. Bern. serm. 25, in Cant.*

## S. CHRISTINA VIRG. MART.

24. Iulij.

**D**icite, quotquot Musas colitis, quid virgine felicius, si Doctorem habere Anglum mereatur? Certè Virgo CHRISTINA habuit, & Christianæ doctrinæ rudimenta cum ediceret, ab ore Angeli pependit. Nempe sic ipsi Dñs quoque (quos argenteos anteosque parens habebat) rectè uti didicit, quando fractos in frusta pauperibus iussit cedere, docuitque hos ipsos rectè denique mortibus propitios esse: jam parentis furorè ut fortiter exceptit? Alapa, vincula, unci, rotæ, flammæ, veli-